

complectitur etiam constitutiones Imperatorum, qui ante Constantini Magni tempora vixerunt, quique in Codicibus Gregoriano & Hermogeniano laudantur, videlicet, (uti supra adnotavimus ad calcem capitis tertii) Hadriani; Antonini Pii, Divorum fratrum sive Marci Antonini & Veri; Ælii Pertinacis; Severi: Antonini Caracallæ; Antonini Heliogabali; Alexandri; Maximini; Gordiani; Philippi; Decii; Galli & Volusiani; Valeriani; Gallieni; Valeriani junioris; Claudii; Aureliani; Probi; Cari; Carini; Numeriani; Diocletiani; Maximiani Herculii; Constantii; Maximiani Galerii. Necnon Imperatorum, qui post Theodosium juniorem usque ad Justinianum imperarunt: nimirum (1), Valentiniani tertii; Marciani; Majoriani; Severi; Leonis; Anthemii; Leonis junioris; Zenonis; Anastasii; Justiniani. Præterea in solo Justiniano Codice reperiuntur Constitutiones cccxx. circiter, quæ e Codice Theodosiano desumptæ vel interpolatæ fuerunt, quarum Constitutionum Catalogum ex duodecim Justiniani Codicis libris accurate descriptum habes Tom. vi. Par. 2. Codicis Theodosiani Jacobi Gothofredi, edit. novissimæ Lipsiensis anni 1745. pag. 290. Denique satis constat, postquam Justinianus suum Codicem promulgavit, hunc in toto Oriente & Occidente præ Theodosiano obtinuisse.

## C A P U T V I I.

*Novellæ Justiniani.*

**J**ustiniani Novellas Græce primus edidit *Gregorius Ha-loander*, præfixis privilegio Caroli V. Imp. & Epistola ad Senatum Norimbergensem, vulgavitque Norim-

(1) Novellæ Constitutiones Imperatorum Justiniano anteriorum, Theodossii, Valentiniani, Marciani, Majoriani, Severi, Leonis & Anthemii in unum corpus collatæ cum mss. Codicibus, librisque editis, & perpetuo commentario illustratæ, opera & studio Jo. Danielis Ritteri, prodire Tom. vi. Par. 2. Codicis Theodosiani edit. Lipsi. ann. 1745. post pag. 291. a p. 1. ad 164.